

Boko 310 nan səngə d. 41
2011 utikalo

Jekabaara

Jamana



SNV

Connecting People's Capacities

Cikela ceman n'a müsoman kunnafoniseben

a be bo kalo o kalo

Jamana baarada la BP 2043 Bamako (Mali)

COB ye Mali ntolatan-kupuba 51 nan yalon



Dantiglikan

Ko bée b'a tumo fe

Adamaden ka dijəso-sigi keko juman te se ne si ma ka ke waatiw kono ko matarafakow dənni n'u waleyali ko. O be cun samjeko ni tilemako kan, ani funteniko, kawuleko ani nənəko, ni fijə lahala-ko kan. Awa nin waati bée n'u ka kasaarakow don, ani feere sirikow walasa kán nán ka denbayaw kisi o kələləw ma. An be sa-

mijə waati de kənə sisə. Denmisénw mako be yere-mine ladonw la ka kisi sanji kərə baaraw ma, o min be se ka na ni nənə karili y'u la. O tā bée ye, nin waati in ye sumaya gelenw waati de ye ka da sosow caya kan. O ko kunbenbaliya kasaara taa bée kun kan denmisén fara mədakərə kan. Samjə mana don, a ka kan

an kā dən ko sanjikərəba nafa te an si kan. Fijə kolonw be, bələnw fa ji lako juguw bə, hali kaba perenw yere be... O bée de kanma, a kafisa ni sanji kubəra kān to yərə min na, an kā ladon sabati yen, min te jiriba kərəla ye, o min fana nà kasaara be njəgon bolo !

Tumani Yalam Sidibe

ne 11 ni 12 nan

Mali kəribara
jukərəmadonna
gəferənama fe

ne 3nan

Ntəmənən ye jiri
nafamaba ye

ne 9 nan

Cikela, e b'i ka
forosira kan wa ?

ne 2 nan

Alataanu !

Daaba-Ala ka latige kono, an kera san 2011 sunkalo yebagaw ye. O ye Ala-taanukoba ye.

Ala ni ce ! An be Ala deli a k'a ka kaloba in kono batow bée limaniya, n'u galabu an'u sərə d'an ma ! An bée, san-bée san-bée san-bée !

ne 12 nan

"Kalan be mogcəsən hakili la, nka kunnafoni be mogcə bə kunpan na" Yərə Ulen Sidibe

Cikela, e b'i ka forosira kan wa ?



Hamidu Konate

An be zuluyekalo nəfekalo de la nin ye. O kosən, an bə bisigi ko yɔrɔ caman sənefenw danni kera ka ban kà tə to cikela ka taanika-seginw ye foro-kələsilisiraw kan. O yere de be utikalo ke cikela ŋana bee a tile-foro-kənə kalo ye ani gadonmusow ka tileganfe nali ni du-


muni ye foro kənə. O yere de ye gadonmusow ka baara kolo girin matarafakənə lahala ye, olu minnu b'u cesiri gadon fe, ka suman mə a waati la, ka du kənə denmisənw ni maakɔrɔba si lajəlenw ta bə, kà tə nà keminənw sigi u kun, ka kungo magen. Yen, ka cikelaw to todun na, ka wuli ka daba ta k'u yere bolo labaara waati la foro kənə. O de kanma, ni cikela jininkara a lahalako la forosira kan, bonya masegin ka kan ka kò yərənin kelen bee la ka jiesin a ka gadonmusow ma, olu minnu ka cesiri nəba bə ka forosira minəko jumanko la. Cikela ŋana bee ka dalilu fələ ye kənəbara girinya ye a kənə balo nafamako la dere. An tə kən ka taare fo gadonmusow ye, olu minnu ka sokənəbaara de be hakili latige sabati cikela kan foro kənə !

Hamidu Konate

Hakilisənekənə

N fa Kibili Denba tun bə fə n ye ko : « N den, kelen-nabila ma hali sigi dan-kelen nafa wula kənə, barisa a bə taayɔrɔntanya » ! O de kanma « ban-məgə-bee-la, ka to i kelen na », o nà ka dijnə here bee, a ka dijnənatige la-banko be ne jɔɔre !

Tumani Yalam Sidibe



Yere-ka-kənkənə

Məgə dəw dana Ala fe
Minnu jogə ma ni dere.
Awa o de be dijesosigi
Geleya u bolo,
K'u bila u nagasikənə kan
Waati bee,
Ka masərə u t'u yere sako
la abada !
Məgə de don min be siga telin
sərə
Je nəgɔnyə bee la ten
Ka sərə kun tə la sanko ju.
Danabaliməgəw don
Minnu be si kəngə la
Ka to na duman t'u kərə
Ko barisa « məgə-wərə-to »
don.
Je nəgənw ka kənənjeyd u ye,
U te kun were sərə o la
Ni siga banbanni ts
O je nəgənw kan,
Barisa u ma dayərə sərə a
la petu
Ko : « kəməgəfe » kasaaran-
tan be yen !
Tənəgonke, to nəgənmuso,
N'i be hine məgə la,
O ke bee lasiganaməgə ye
Ka masərə
Adamadenya bana jugubatigi
don
« Min bə yere je a sərəfan na » !
Məgo yere-ka-kənkənə dun-
gew don
Minnu makari
B'u yere la waati bee !

Tumani Yalam Sidibe

Mali kōribara jukōrōmadonna gōferenama fe

Jébila kofoli :

Usumani Nuhun Trawele, nān bāle dōn ni Usumali N. Tarawele ye, ale ye CMDT njemaaba ladilibaga ye seneko taasira juman ke kadara kōnō. O kanma, arbadon, san 2011 zuluyekalo tile 12, an sera a ma a ka biro kōnō CMDT njemaaso la Bamako, kā nininka jinan kōri tōni 500 000 sōrōliko la Mali kōribara taabolo kōnō. A ye min fō an ye, o file nin ye.

Mun ye kōri sōrōbake dusu don an kōnō jinan ?

Kōri bolokorō maralen hake jinginna kosebe dijē kōnō. Sinwa jamanā min ni Erēpu jamanaw tun bē dijē kōri sōrōbake waleya, olu ka kōri sōrō jinginna kosebe. O kera sababu ye ka kōri dabalidaw (iziniw) ka baara kundama jigin. O kasaara yera dijē kōrisugubaw kōnō kosebe.

O kera kunnadiyako ye Mali bolo, kā bila kōri caman sōrō jinibolo kan walasa kā ka kōri sanbagā kēdonnenw kēsegin a ma.

Yali kōri tōni 500 000 bēna sōrō an fe wa ?


O ye ko ye min jigiyaba bān ye ka dā kan fo ka se san 2011 zuluyekalo tile 10 ma, cikelaw tun ye kōriforo tari 450 000 danni ke ka ban. An dalen bā la ko san 2011 zuluyekalo tile 31 bā sōrō tari 500 000 nikō danna kōri la ka ban. O kēnew ladonko juman kanma, an ye nōgōw ni fenjenama fagalanw lase cikelaw ma ka ban min b'u mako je. O be tila nin cogo la :

* Nōgōfin lasera kōrisenēaw ma (tōni 69000).

* Nōgōje tōni 40 000 lasera u ma.

* fenjenama fagalan « dozi-hake » 1 030 000 fana lasera u ma.

Fenjenama fagalan kera kōriforo la, o hake bā ta « dozi » 0,25 la,



Usumani Nuhun Trawele

ka se litiri kelen (1) ma.

Ka da kōrisenē nafafen dilen ninnu kan, an bē se kā fō ko kōri tōni 500 000 sōrōliko jinan, o siga tān na je si ma.

Mun ye kōrisenēaw dusudonko ye ?

Walasa kōrisenēaw ka timinandiya sōrō kōri sōrōbake la, gōferenama y'u la nagaliko saba de ke, nōlu ye ninnu ye :

Fōlō : kōri kilo sōngō bōra sefawari dōrōmē 37 la ka yelen ka se sefawari dōrōmē 51 ma. (Fen min ye cikelaw ka kōrisōngō sarali ye a waati la, salon (2010/2011 baarasan) kōrisōngō sōrōla kōrisenēa bē fe ka kōn san 2011 awirilikalo tile 30 don ma. An sigilen bā kan fana ko jinan kōrisōngōw bē fe sara kōrisenēaw ye kā kōn san 2012 awirilikalo tile 30 ma).

An kā dōn fana ko ka da danaya sōrōwalew kan a ye minnu sigi sen kan, CMDT bē ka jēnōgōba kōrōw ka danaya sōrō ko kura a jēnōgōn kōrōw yōrō.

Filanān : Cikela minnu ka wariko tun bē kunbalan na kā da koperatifuw kanna juruba sarabalikō kan, olu y'u ka warī sōrō. O ye sefa-

wari musaka dōrōmē 3 175 000 000 de bō Mali gōferenama kūn.

Sabanān : Dunkafa sabatilen don kōrisenēdagaw bē kōnō bi. On bā to kōrisenēaw b'u wasa don usi ka foro-kōnō-baaraw kēko juman na.

Ka da nin dusudonko kūnba saba kan, an bē se kā fō ko siga tālā ninzn, be baarasan kōrihake bōdalēn sōrō.

CMDT bē tali ke « Metewo » ka kunnafoniw kan

Fen min ye baarasan in sanjiko ye, CMDT bē baara ke « metewo » ka sanji lahala ditaw de kadara kōnō. Jinan dun, « metewo » yā jira ko kōribara taabolo maraw bē bē sanjiba sōrō !

An bē min jini kōrisenēaw bē fe, o de ye k'u k'u jija ka kōriforow nōgōhake nā fenjenama fagalan hake k'u la. An ka a ke cogo bē la ka teme kōri tōni 1 (kelen) kan tari la. An kā dōn ko cikelaw bē yen minnu ka kōri sōrō bā ta tōni fila fo tōni saba la tari la.

Ni cikelaw dun y'u jija ka halif tōni 1 sōrō kōri la tari la, o bē sefawari dōrōmē 51 000 (ba biduurū ni kelen) de ladon u kun tari la !

Ka da sōngōdaben kelen kan kōferenama fe, ka jēsīn kōrinōgōw ma, tari kelen nōgō donta warīt be ben sefawari dōrōmē 10 000 (ba tān) de ma. Nā yā sōrō o sōngōt dabēn tun ma ke gōferenama fe, tāriw kelen don-nōgō sōngō tun bē ben sefawari dōrōmē 14 035 (ba tān ni naani nidōrōmē wolōnwula) de ma ! Ni mōgō min ko k'i bō nafolōbōt bēta jate mine gōferenama kūn, o be ben sefawari dōrōmē 18 000 000 000 (miliyari 18) de ma.

Nin tun ye Usumani N. Trawele ka jaabiw ye Tumani Yalam Sidibe ni ka nininkaliw la

Afriki jamanaw kōnɔ-funteni kalayalen bε bi

Mali jamana kōnɔ donni Nizeri sōrōdasiw fε, ka na fitine tigilamogow kele (Akimi) ; Senegali jamanakuntigi Abudulayi Wadi nà ka fanga sinamatɔnw césira geleyaw ka fara Cadi jamanakuntigi kɔrɔ Hiseni Habere diyagoya kɔseginni ale bolodali kan ka taa bila Cadi kiiritigelaw ka bolo kan ; Libi ja-



**Kabi kalo duuru bi, fitine be
Kadafi ka bulonda la.**

mana kōnɔ gelekan kɔtigebali Erō-pukaw ni maa murutilenw fε Kadafi nà ka sōrōdasiw juguya la, fo ka se muruti kɔtigebaliw ma ka bɔ sōrōdasiw ni fanga sinamatɔnw fanfe, ka jesiñ Bilezi Kɔnpawore ka fanga ma Burukina Faso..., olu bε ye fitinemayorow ye Afriki kōnɔ, Afriki jamanaw ka kelenyatɔnba ma se ka feere sōrɔ minnu na. Fitine daga wulilen bε Afriki fan bε kōnɔ bi, kà ta Zinbawé ni Gine Ekuwatoriiali, ka jigin Marɔkù ni Tinizi ani Misira (Ezipti) jamanaw bε kōnɔ, ka na daga Mali nà dancebɔ jamanaw bε kōnɔ. Yali i nà fo a bε dijɛ jamana caman kōnɔ cogo min, san 2011 bà fe ka ke gallo wulikajɔ mugukan kɔtigebaliw san ye Afriki kōnɔ wa ?

Nan ye Mali ta kerenkerennenya la, an bε tɔl sōrɔ ko waati o waati di wulikajɔ a !

Nizeri jamana sōrōdasiw de b'ú ka jamana dancew kɔsagon, ka na mɔgɔ murutilenw kele Mali sōrōdasiw jekɔrɔ yan, ka sōrɔ ta ma menen sanko sisi ka bɔ ! Mali sōrōdasiw ka setigi (minisiri) jininkallen o taabolo faamubali la an ka depitew fε, a ko kɔ bε mine bənkan na min be tali ke Mali ni Nizeri jamanaw ce lakanako la. Hali ni Setigi Nace Pleya ka fɔta o tijé be kene kan, an kà dɔn kà man kan fana Mali kōnɔna ka labila jamana wərew sōrōdasiw sako la dère, hali nò kun ye jamanaw bε je mɔgɔ murutilenw ko ye ! A ka gelen an kà faamu kàn ka yeremahɔrɔnya bà to an ka jamana kōnɔna ka ke jamana wəre sōrōdasiw taakaseginkens y'u sako la ka sōrɔ sōrōdasiw bān yere bolo !

Peresidan kɔrɔ Hiseni Habere kunkanko

Ale de ye mɔgɔ ye min tun bε Cadi jamana peresidanya la fo ka

Hiseni Habere bila bolili bolo kan k'i kun da Senegali jamanaw kan. San 2006, Afriki jamanaw ka kelenyatɔnba (OUA) yà jini Senegali jamanaw fε a ka kiiribulon dayelen Hiseni Habere kanma, o yà sōrɔ Cadi jamanaw fana ye diyagoya minesében ke a kan (mandadars). Kabi o san, Hiseni Habere ka kiiriko kunbenbulon ma sōrɔ. A bε kun kalifa la Senegali jamanaw min kōnɔ, o m'i kun don a kɔrɔ a jemá, awa a mā boloda fana kà bila dijɛ kiiribonba ka bolo kan.

Fiyɛba kɔrɔ, bεe bolo b'i kundoni na !

Bi bi in na, ka da fanga sinamatɔnw ka juguya wulikajɔ kan ani Senegali jamanadenw ka nisɔngoya jirataama juguw kan, peresidan Abudulayi Wadi dənyɔrɔ bε ka ban ! O de kanma, kabi jumadon san 2011 zuluyekalo tile 8, a yà jira kà bε nà bolo bɔ peresidan kɔrɔ Hiseni Habere kan kà bila ka taa a



Lakanabagaw kun doni ma jigin Afriki kōnɔ jiman dère !

se san 1990 zanwiyekalo ma.

O kalo de la, mɔgɔ murutilen Idiris Debi nà ka jama ka wulikajɔ ye

ka jamana kōnɔ, nò ye Cadi ye.


Hiseni Habere yere bε san 71 de

A tɔ be je 5 nan kan

Jé 4 nan to

la jinan. Senegali peresidan Abdulayi Wadi ka kolatige in ma taa josirakow tigilamogow wasasira fe dijne keno. Olu ka fo la, peresidann koro Hiseni Habere kundayore te Cadi jamana ye, ka da kan a ka gelen kiiri ka boli a kan yen. Ale

kono ka ta di Cadi jamana faamawa ma, a tun yo min boloda ka benntendan ma, san 2011 zuluyekalo sogomada joona kanma. Hiseni Habere yere na makaranbagaw (awokaw) tun bo jamakulu la, ka fara Senegali taw ani Beliziki kiirisoba kerenkerennen sariya latigebagaw kan... Peresidan Abdulayi



Peresidan Bilezi Konpawore yere hakili sigilen te folo jamanadenw ka muruti la !

kelebaga Idirisi Debi de be fanga kunna yen fo bi!

Josiraw tigilamogow ka fo la, ko in kecogo juman peresidan Abdulayi fe, o tun ye Hiseni Habere bilali de ye Afriki jamanaw ka kele nyatomba (UA) ka bolo kan, walasa o ka tegola kiiribulon sigi jamana latige Afriki keno, walima dijne keno. Ko in geleyore kera min ye dijne adamadenw josiraw lakanabagaw bolo, o de kera ko : « kabi san 2000, Cadi jamana kiiritigelaw tun ye kiiri tige Hiseni Habere kan, ka ka kiiri tige a kofe, ka jangi jokafaga kasol la ». O kanma, wele kan bora dijne fan bee fe ka se peresidan Abdulayi Wadi ma ka ka segin a koo a ka wale bolodalen na, no ye Hiseni Habere donni ye « sama pankurun kerenkerennen »

Wadi labanna ka son dijne adaman denw ka josiraw lakanabagaw ka lajini ma. Ntenedon yere, san 2011 zuluyekalo tile 11, a ye Hiseni Habere lataaliko bolokali sementiya.



Hali Misiraka Mubaraki ni Tinizika Beni Ali ka joyorola n'a ta o ta, fitine ma ban u ka jamanaw kono.


A ka sariyabon kiiritigelaw ka ne maa ko ko : « An tene Hiseni Habere kun da Cadi jamana kan. Nkan be nejini lataa ne walasa ka don don nataw la, a ko bera taa bolo were min kan. Sanni o ce, Hiseni Habere be to Senegali jamana du nanbaya la yan ! »

Kabi sibiridon, san 2011 zuluyekalo tile 9, Afriki keno jamanaw hake yelenka se 54 ma

Sibiridon, san 2011 zuluyekalo tile 9, jaman kura kelen farala Afriki keno jamanaw kan, ku hake lase jamana 54 ma. O jaman kura kera « Sidi Sudan » (Sudan woroduguyanfan jamana) ye. Sidi Sudan jamana o peresidan « folo » kera Saliwakiri » ye, ale min ba maa murutilenw ka maa neemaaya la kabi san 2004. A sigira yen fasoko kelebagajemaa Jomi Garangi no na san min na, o nin kene karabalen koo Sudan larabulakaw keledenw fe. Ka bo Sudan jamana koro la, o min tun banbannen be larabuya ni silamediine kan, Sidi Sudan jamana kura kenojama hake mogeo milijon seegin (8 000 000) bee ye farafinw ye. A fanba be benbadiine de kan. Kerecendiine fana dungew ka ca la.

Tumani Yalam Sidibe

Fasoden numanya de foà !



Ni fasoko ye wasoko ye, a sindi ye fasoden numanyako ye dere !

Adamaden bëe ka
dijenatige kono, a dan-
be bë mine ke fan bëe a
bøyorøde kan, ani o yorø
kanu ale yere fe. O de
kanma, kumadonsow ka
føla « Duden kelen kelen
ka wulikajø sen be du sa-
batili la, ». Dugu si ka
sannayeløn te sabati a
nëma kà kñoden halala
kelenpe to banyereye sigi
la a ka keta këbali kòrø ;
awa jamana si te sinsin
kà kñoden dò sigilen to

a kan ko fasobaara ye ja-
mana kotigiw danma
kunko ye » ! San 2012
awirilikalo yan ka per-
esidan-sugandi kalafili
kalo ye. N'teri, kabi sis-
san, i hakili jagabø da-
mine i sendoncogo ju-
man na o kalafilijama
sere ro. Nò de kera, san
2012 zuwenkalo tile 8, i
fana be nisondiya kà fô
ko : « Nin yan ka peresi-
dan sugandilen ye !

Tumani Yalam Sidibe

U ko...

A ye n deme. A ye n deme n ci la. A ye
n deme. Mëgo si kunkontan te !

Tara Bore
Döñkilida muso koro ka
bø Molodo (Segu)

Dijë be tan de koy ! Ko bëe bëa tuma
jaati kadara kono. Mëgo bï pan kogo
jan kun na funankëya waati la, nka, si
lajjelen waati la, bondakun sagonni
bï kamanangan !

Dugakoro Jara
Balafola ka bo Bla kafo kono

Balawulen kera fali danbetigi ye tun-
ga sira kan woro julaw monebokene
ni yeralawasa ko la. Jaa ! Baganko te,
maa ko te. Dusutigiya de ye dijë tog-
obako bëe sindi ye !

Koni Kumare
Mali ñaramusokorøba folø do.

Ni ne hakili sera « jajiri » sankorøta
dankili ma kò da Mali « bimaaw » ye
, o kun ye de ka ceya dusu don u kono,
ka masorø u bëa don k'u benbalakaw
bëe kera ce kumbaw ni muso kumbaw
de ye !

Fanta Danba Koro
Bamako ñaramusokorøba do

Den jugu wolo man di dere ! Den ju-
guko te fugaridenko ye, nka den
sebekoro nafa sörébaga dé don min
ma jugulamëgo were soro a yere la a
yere bangebagaw kò. Ale de bëa ban-
gebagaw ke sanga ni waati bëe mone-
tigiy ye !

Seba Kulibali
Npela balikukan karamogø
(1977) Kolokani

Kuma bëe bë se ka fô, nka kuma bëe
man kan ka fô !

Fadel De (Fadeliden)
Kodewari döñkilidala do

Den ba balocogo jɔyɔrɔ bɛ den ka keneya la

Ba ka balocogo jugu kɔnɔmaya Bkɔnɔ walima sin diwaati la den ma, dɔnniyaw yà jira kò geleya fila bɛ se ka ke kasaara bajuw ye den ka keneyako la, fo ka se a ka mɔgɔya bɔnyerela taabolo ma. Den farikolo ka belebeleya danmatemé ani jabeti sun sigili juba bɛ bɔ ba ka balo duntaw lahala la. Nin ye Faransi adamadenya lakow taabolo kojepinina dɔw ka sɔrɔlén ye.

U y'u ka kojepinini in ke jina kulinennin nà kunseme de kan. A temesira dɔ bɔra baloko jɔjnini cakeda dɔ kojepinaw ka dɔnko sɔrɔlén kan fana. U ye jinamuso kɔnɔma kulu dɔ labalo kerenkerennenya la fo ka taa s'u ka jiginni ma an'u denw ka sin min waati bɛ. O balo kɔnɔ, witamin « poroteiyini » 22 % tun bɛ sɔrɔ. Nka jininikulu wèrè ye jinamuso kɔnɔma dɔw fana labalo ni balo deselen ye witamini « poroteiyini » na (10 % dɔrɔn). O jaabi kera min ye o de ye ko jinamuso « poroteiyini-dessé-baloduntaw » denw girinya jiginna kosebe ani ka farikolo lafu taamaseere sɔrɔ u la.

Kodɔnnabaw ka ninini yà jira ko « poroteiyintanya », (farikolo lajo witamini), bɛ se ka na ni farikolo lafu lahala ye den ka adamadenya mɔ si-ratege la.

Ka fara kunnafoni in kan an ye min bɔ « Les Echos » kunnafonisèben bɔko 1170 kɔnɔ, an yere ye wulikajé ke ka se musow lahala keneya tigilamogew ma, kerenkerennenya la, muso lasiritow kɔlɔsi dɔgɔtɔrɔmusow. Olu ka fo la, a kafisa muso lasiritɔ ka balo numan dun waati bɛ, kà yere tanga kɔngɔ ma. Muso lasiritɔ ka balo dunta bà yerekun nà kɔnɔden de balo. Barajuru yere bɛ ba ni den siri jɔgɔn na o kadara de kɔnɔ. O la, an kà dɔn ko den ka jenamaya bɛ damine a ba fari la kalo caman ka kɔn a bangeli jɛ. Ka fara balo numan sèbekɔrɔ dun kan, ba ka kan ka bange kɔlɔsibagaw sègerɛ ka ben o waati bɛ boloda, a ka kɔnɔmaya kuntaala bɛ kɔnɔ. Ka fara den yere lahala nà dacogo numan sidɔnjiniw kan, dɔgɔtɔrɔw bɛ ba yere ka farikolo keneya lahala jini ka dɔn nà joli nà jègènè sègesegeli ye.

Muso lasiritow kɔlɔsi dɔgɔtɔrɔmusow ka fo la, an bɛ keneya lako nedɔnwaati min na i ko sisan, a man kan muso si nin ka to jiginni siratege geleya kɔlɔlɔw kanma. Muso lasirito min bɛ lakɔlɔsi taasira bɛ bɔ a sirafe a jɛma kɔnɔmaya kuntaala kalo kɔnɔntɔn bɛ kɔnɔ, a ka cà la, dɔgɔtɔrɔmusow bɔ ka jiginni kɔnɔ geleyaw sidɔn ani k'u jɛsigiferew tige. O de

kanma furuke hakilima bɛ bà furumuso ka kɔnɔmaya kunkandɔgɔtɔrɔ so-lataaw kɔlɔsi, kà ma sɔrɔ a bà don kò de ye muso ka tin taabolo kɔnɔmaya nɔgɔyaw sababu ye. Tipe don, muso ka tindimi bɛ muso jingitɔ kan, nka kunceko juman fara a labanko baa sima kan, o bɛ ye furuke kunko ye dère, a nafoloko kɔlɔlɔw nà hakiwu li kɔlɔlɔw bɛ be jɛsin ale de ma.

Denko ye ce ni muso bɛe kunko ye

Adamdenya taabolo lahala nedɔnbagaw ka fo la, denko waati bɛe ye hakili fila-filako ye, fo ka tā kuncɛ a nagali sɔrɔdonba mo, nò ye jama faradon ye jɔgɔn kan « denkundi » kanma. Kabi muso bà fo a furuke jena don min ko : »i kà dɔn ne sigalén be n yere la», fo ka se a tadon ma ka muso-lajiginso sègerɛ, muso lasirito bɛ jɔrɔ la, ka sɔrɔ denfa bɛ kungan na. Den de dun ye furu duman daamuko bɛe baju ye. A ka kan an kàn sebe don o ka nali lahala bɛe ma keta lakikaw waleyali la. O de bɛ denko ke furumuso ni furuke bɛe kunko ye. N'u bɛe y'u ka keta kà jɛma; sigatà la u be denko lahala folo fo jɔgɔn ye bon kɔnɔ den min kùn kan, u b'u ka nagali dében fensen o den kelen nako juman kundikene kan !

Tumani Yalam Sidibe

Kalan sinsingafew bɛ fasokanw na Jamana baarada la

Kalan sabatifen ye kalanden jolenw ka gafew ye, kalansow kofe. Ni waati bɛ kalannije ni jatekalan na, kalan sɔrɔlén daamu dabaa badda sɔrɔfɛ ye adamadenya taabolo gafew ye. O caman be Jamana baarada gafe feercyɔrɔ la. «Oroman», nakɔbaaru nedɔngafe, kɔrɔlenkow jini ka dɔn gafew. O dɔw file ninnu ye : Karamogò demenan, Maben 1, 2,

N'aw mako b'u la, aw b'aw sen fa ka jamana baarada sègerɛ ani jamana ka sebenfeereyɔrɔ tɔw Bamako ani Mali mara werew kɔnɔ.




Bataki-jaabi ka se Bengali Sinayogo ma

Nka foli be Bengali Sinayogo ye a ka də farali kanma ne ka jemukan dilen kan Jekabaara kosafe bəko kənə, nō ye bəko 309 nan ye, min be tali ke woro nafa kan. An be nin wale suguyaw de fe. U ka to kən ladənniya u ka dəntaw la, ani kən ka fili kelenw latilen waati ni waati.

Bengali Sinayogo ye nafa werew fō an ye Jekabaara bəko 309 nan kənə minnu bən nafa kosebe. A ko ko woro jeyoré ka bon an nān dafé jamanaw, jago taanikasegin sira fe, fō nana a don kosebe an ka adamadenya sinsinsiraw la : furu ; denkundi ; janaja ; dugu kənə fəlikelaw sənwari dankanfen ; bolokoli ; a nəlu nəgənnaw...

Bengali Sinayogo ye kuma də fə a ka kuma na min ye tijé ye. A ko ko ne ko ko « woro be məgo jematige ». A ko ale bolo, o te se ka ke mankutu puman ye tuma bəe, kuma te nō be sinsin kənəja kan.

Ne be min sərə kə jaabi nō ye, o de ye ko : « ko si danmateme ma



Woro ye jemifén man di ye an bara yan ka bi benbow tile la !

ni ! » I nā fō Bengali yere yō sementiya cogo min a ka jemukan kənə ni nin nsaana ye : « Hali ni ji be jaba jé, a ma fō k'i k'i tunu ji la k'a turu ! ». Ne be min fō karaməgo Bengali ye, nō nā ka fəlen be tali ke nəgən na woro ka jematige kan, o ye nin ye : Dunfen dəw be yen « witamini C » hake dəw be sərə minnu kənə. Olu be məgo jematige, kə ka sunəgo geleya. O do ye lenburuba,

ni lenburu kumu ni jabibi ye. Hali tubabufura dəw be yen « witamini C » hakeba be sərə minnu na, i nā fō « IPSA ». Ale be məgo jematige kə ka sunəgo geleya, ani « CAC 1000 » ka sərə u dun be məgo farikolo lafiya, kə pasa lafiya. Ni dəgətərəw b'u seben məgo min kun banafurako kadara kənə, u b'jini o tigi fe kə k'u tawaati ben sogoma lere (waati) 6 nan kənə ka se lere 16 nan ma. An kana u ta o waati temenen kə ka don su rə, nənte u bən jematige, kə degun. O temenen kə, manjekise nafa ka bon məgo jé na. O be di məgəw de ma minnu ka sunəgo ka girin kojugu, walasa kələ ka sunəgo maben.

O la, jematige te se ka ka ke kojugu ye tuma bəe, sanko nān mako b'a la waati min na !

An ka maakərəbaw ko ko : « ko be, wa, ko were fana be ! » An kəni be min fō ka Bengali Sinayogo ka jemukan jaabisében in kunce o de ye ko ko bee ka di bereben de kənə !

**Burama Keyita
Bamako-kura-bolibana kin
Bamako**

Kosegin waati sera dere

Nbe nin welekan lase togodalaka denmisénw ma, a cəma nā musoma, olu minnu kelen be kən ka jama-na dugubaw bəe kənəna fa baaradenya lā.

O ye waati-la-fijebənsenkərəko ye min be boloda an ka togodaw kənə denmisénw fe senekefenw labaaranen kə, k'udon bəre la fakərəw ni bakərəw ka bolo kan jigenew kənə. Awa, ni togodala denmisénw ka fijebənsenkərə in be sen na kabi dijé kərəlenso, an kə dən k'udili tora u koseginwaati fana na tuma bəe, nō ye samiñé-donda ye, walasa ka taa fadu forobaforow ni yere-ta-forow cike a jema, u kelen kə ka fakərəw ni bakərəw ani balimasiraw ladiyafənw d'u ma ka bə u ka tilema keyoré la. Fələ, baninkən panwaati tun te se abada ka sərə togodala denmisénw n'u ka sotaaminew ma fara nəgən kan ka u bəduguw magen. O yere de tun y'u n'u duguba-kənə-ja-

tigw ka kokənəgənya saratikan ye : jatigi b'a dən ko denkenin walima denmusonin min bəna baara damine ale ye sisan, taawaati b'o la walasa ka tənə fa fadu kənə a jema. Bi, o taabolo de finikənə b'a fe ka yelema a jé jugu kan dere. Yali o ye jən de jalaki ye ? Maa caman ka fō la, o ju be jatigi hakilintanw ka wale de la. Olu minnu b'u yere bali baaradenw ka kalosaraw dili la u ma a waati la. Nka, jateminew y'a jira fana ko sisan, ka da dugubaw kənə jogow negela donko jugu kan u la, togodala denmisén caman be laban « filinyerema » na, ka sotaa koseginsira mineni geleya u bolo !

O man kan. Ne yere ye Belenincenika ye ka bə San kubeda la. Dugu in sigilen be banin naga la, San dugu ni Si dugu ce. San o san ne bəna Bamako baaradenya bolo kan, walasa ka nafolo sərə n be n ka denmisén ya yeelen bə ni min ye ani ka n fa ni n ba

negelafew san ka d'u ma.

Nka ne ka tilema duuru tugu-nəgənna taakasegin an bara ni Bamako ce, samiñé kelenpe ma don fələ ka temə ne kan Bamako. O b'a jira ko fijebənsenkərə te se jé si ma ka denjənama to duguba kənə ka sərə a məfaw nā baw anā balimaw sigida taasirə mine !

Ne be ladilikan min fō n balima fijebənsenkərəbagaw ye o de ye nin ye : « Duguba ye bəe ka nafolo sərəyərə ye. Siga tō la. Nka, duguba de be denkolon sən fələ a jema, ka sərə kə nā ka sərəfen bəe lakunu. O la, a hakili te se bangebagaw ma, kuma te kənini k'udili lawasa u ka wolo la ! »

Sisan, ne be ci sen kan CMDT jemaašo la Bamako yan. O de ye n ni karaməgo Tumani Yalam Sidibe ka nəgənye in sababuya karaməgo Usmani N. Trawele ka biro kənə. Ne ka foli be CMDT cakeda bəe ye !

**Morisi Sogoba
ka bə Beleninceji (San)**

Ntɔmɔnɔn ye jiri nafamaba ye

Ka dà sawura yere kan, ntɔmɔnɔn ye sigida lakana jiri ye. Bamananw ka fɔ la kabi dijɛ kɔrɔlenso, ntɔmɔnɔn be fijɛ magan basigi a lamini bœ̄ la, nò ye ninakili duman daamu sɔrɔko jenama yò fanfela ninamafenw bœ̄ bolo. Awa, ka fara o nafa kunba fɔlɔ kan, banafurako siratege la, a kafisa an kà dən ko fan si te ntɔmɔnɔn na ko min nà ka bana kerenkerennen furaketa tɛ. Nedimi ; dusukundimi fo ka taa se kɔnɔdimi ni joli juguw ma, o bana bœ̄ basi jɔnjɔn be sɔrɔ ntɔmɔnɔn

jiri la, fo ka se sɔgɔsɔgɔ banaw ma. Ntɔmɔnɔn ye jiri nafamaba ye an ka kan kàn janto min na an ka sigidaw kɔnɔ, hali na danna a den bɔnafenw man diya man an ka baloko la, dayelemafén siratege la. Ni ntɔmɔnɔn den kisɛ de daladun ka di mɔgɔ caman ye, a mugu (ntɔmɔnɔn filennin) be dɔw ninahine kosebe. O bɔ̄ ke denmisénw ka adamadenya taasira gɛreñogɔnnafenba ye ! Ntɔmɔnɔn ; si ; nburen ; nere ; fo ka se toro ni ntabakunba ni sanan ma, a ka kan an ka kene jɔnjɔn bila o jiriw

bœ̄ kanma an ka sigidaw so kungow bœ̄ kɔnɔ, hali ka dan u nafa man an ka ladala furabɔ̄ siratege la. Jala fana ye jiri ye ani dubalen, minnu jɔda be jiri kofɔlen ninnu dafe.

Kuma laban na, n bɔ̄ fɔ ko jiri si te yen min nà nafa sigi bɔyɔrɔ tɛ : baloko ; furako ; dulenko ; sigida yecogo ce niya... An ka jiriw lakana. An bœ̄ bɔ̄ kalama ka kɔrɔ ko sigida jirintan bœ̄ ye jiko geleya lakodɔn sigidaw de ye ani waati bœ̄ fijɛ jugu sèbekɔrɔ wuliyɔrɔw. O misali kunbaw yan ka sahilimayɔrɔw ye.

**Moriba Makalu
Farafinfurabɔla ka bɔ̄ Mahina**

Ladala jenaje-su

Kakɔlɔw ye u ka jenaje ke bœ̄n kɔnɔ

Fofana ni Kamara ani Magasa minnu ye kakɔlɔ ye Mali kɔnɔ, sibridon, san 2011 zuwenkalo tile 25, u ɔara Mali seleke naani bœ̄ lajelen na walasa k'u ka jenaje ke. Kakɔlɔdɔn ni dɔnkili ma ke mɔgɔ si negela ye a su fe.

Sibiridon, san 2011 zuwenkalo tile 25, Mali kakɔlɔw bœ̄ ye jɔgɔn sɔrɔ komini 3 nan meri dukene na Wələfəbugu, kene jemaa tun be Jɔkaramew bolo, nɔlu ye kakɔlɔw sanankunw ye. Jenaje in kene kan, maa minnu tun be yen, olu tun ye : Bubu Denba Kamara, ale ye kakɔlɔw ka jekulu jemaa ye, ka fara a furumuso Bintu Bubu Kamara ani Sekene Deteba Kamisogo fana tun be kene kan ka fara maa caman werew kan minnu fana tun welela.

Mali kakɔlɔw ka jenaje in tun sankɔrɔtal en be fɔlifenw mankan fe, ka fara jelimo sɔaaran kan du manw kan, Maa Kuyate numɔrɔ 1, ani Saranba Kuyate.

Mali kakɔlɔw ka jemaa ye foli di jama ma u ka bɔli kosɔn ka caya. Aye wele bila Mali kakɔlɔw bœ̄ ma ani yɔrɔ were taw, u ka fara jɔgɔn kan, k'u bolo di jɔgɔn ma, ka kow nejira kɔ mɔgɔw la. Sanankunya

tulon sira fe, kakɔlɔw ka jemaa ye foli di u sanankunw ma tulonkuma la ko Jawara...

Kakɔlɔw ye jɔn ye ?

Tariku dɔnna Bubakari Magasa ka fɔ la, kakɔlɔw ye donso tɔnko damine. Donso tɔnko daminen kakɔlɔw fe walasa ka u mabɔ marakaw ka fanga la o min tun senna o waati la Wagadu. A yà jira fana ko bamanankan na, kakɔlɔw be u tɔgɔw fe « kagoro ». A ko kakɔlɔw ye siya kulu don minnu jensennen be bamananw ni Segumarakaw cela Karata. Magasa ka fɔ la, kakɔlɔ caman ye u ka kan bila ka nɔrɔ bamanankan walima marakakan na. San 1990 waatiw la, sègesegeli dɔ kera, kagoro fɔbaa tun te teme ba tan ni duuru kan, o dun yà sɔrɔ kan tununi be senna.

Kakɔlɔw be sɔrɔ mande kɔneka tilebinseleke la, kɔnekafe maninkaw kerefe, kasonkaw ni maninka.

A balima surun ye Kita mara maninka ye : kakɔlɔkan sèbenw man ca.

Jininikela ni tariku dɔnna Fakɔ Jara ka fɔ la, kakɔlɔw ye farafinna tilebiyanfan kabilia kɔrɔ ye minnu be marakaw ni maninkaw cema.

Kakɔlɔw ye kabilia ye minnu ye kɔlɔmasaw ye, nka u ma jamana sɔrɔ u yere ye, u tora kɔlesaya baaraw la maninkaw ni Karata bamananw ye. O de kosɔn u ka sigiyɔrɔ laban kera Karata ye. Kakɔlɔw minnu dɔnnen be kosebe, olu ye Kamisoko dɔw, Sisoko, Dañogo, nà jɔgɔnnaw. Seereyaw yà jira cogo min, kakɔlɔw ye kɔlɔkɔlabaw ye. Min kɔni jelen dən, n'u ye kɔlɔ damine, a dabila man di u fe.

Mali kakɔlɔw ka tɔn jekulu sigili sababa bɔra Ala ma hinena Baba Sisoko la san 1996, min tun ye Mali jeli ka jemaa ye, kà ta o don na fo ka na se bi ma, dɔ be ka faar jekulu in ka jetaa kan don o don ka teme baaraw walasa ka dɔ fara jama kan.

An ye nin bɔra « Les Echos » kunnafoniseben kɔnɔ, a bɔko 3699 nan, alamisa zuwenkalo tile 30,

2011. Aminata Tarawele ka

sèbenni don.

A bayelemafénbamankan na : Yusufu F. Fane

Sene baaraw bora u dögököré Masigi komini kōn



Nii y'a men ko cikela jana, i ko fôlô ko sanji nako puman.

Ladalako la, zuluyekalo tun be daminé foro kōn binbaw kan, nō ye kōrōsenni taako fôlô ye. O tun ye Masigi komini kōn duguw bée kunkankoye.

Nka jinan, a kelen be i ko yele-maba be ka don waati kōn baara taabolo o la. O misali jenjén ye nin ye fo ka se san 2011 zuluyekalo tile 5 don ma, taradon, n somogé Masi-gikaw ka kunnafoni min sera n ma, o bâjira ko forodan de tun kolo ka girin ni forosen ye. O be sanjiko ko-safe sabati de kofa. O be moggé jéoré dëonin sanji kunceko juman na, ka dâ kan senefenw tun ka sewaati kuntaala ma sabati yelema jugu bolo kan abada : kalô-sabanin ; kallondani... O bâjira ko ni sanjiko daminenia kosafe, ka kôtige joona, o kaisâdra be se ka ye senefen caman sôrêko kan. Masigi komini dun be jate Mali sannayorobaw fe. O bâjira kâ be se ka ke sanjiko waati daminenadese in taamaseere ka yen fan werew fe.

Sami neko te sanjibako danma ye. Sanji nawqati jédaba bâ neema doneogo la senefenw kôrê. O de kanna, kabi kôrôlen, an ka mogow tun ye samiye juman taamaseere da tilada saba kan, minnu ye nin sigidaw ye :

* **Zuwenkalo** : forofenw danni-waati, ka masorô awirilikalo ni me-kalo bée kera forolaben na ka kene labila samijé sanji fôlô kolo girinw binkalo je. O zuwenkalo kônobaara télase be ke zuluyekalo kône.

* **Utikalo** : cœcokalo. Ka da o kalo kône sanji misen kôtigebaliw ka dugu lasoroko juman kan, senefenw diili-don-dugu-rô be sabati, k'u yere wuliko juman fana latige.

* **Setanburukalo ka don əkutoburukalo kône**, olu ye senefenw sekallow ye k'u bila, bâli, karili, walima tigeli kadara kône. Waati dôw la, o baaraw be taa kunce fo nowanburukalo kône.

Sene ye koba ye, ka masorô, dijé fan bée kône, adamadenya keko juman sirilen bâle de la. Lakâlikaramogé fara dögötôrê kan, masin-na-sébennina fara kunnafonidila kan, nin bée ka baara kecogo juman be sabati waatiw kônobaara keko de kan.

Pankurubolila kongtô ka pankurun kônodonbagaw bée tôgô sebê ye « sibila-Alama » ye dere !

Sene de ye ko bée jujón ye. Awa sene de be ko bée laban fana !

An ka nin don

« CILSS » (Silisi) ko di jinan sa-

mijeko la

« CILSS » ye Afriki sahili jamana kônonten (9) de jeton ye sahili kéléli kanma. O jamanaw ye ninnu de ye :

- Senegali
- Mali
- Nigeri
- Burukina Faso
- Moritani
- Gine Bisawo
- Cadi
- Kapuwéri.

O ténba de ka fôla, an be wasa soro jinan sanjiko la jamana kônonten kofolen ninnu bée kône. CILSS ka fôla, jinan samijé be dameine sanjidésé kan jamanaw kône, nkô nà ta bée sanji hake juman be soro jamana kônonten bée kône min be senefenw nafa, k'u soro ni wasa ye cikelaw fe. O be moggé wasako bê dere. Nka, CILSS ka kuna-nafoni dilen kelen o kône, an bâ dòn ko fiñeba wuli samijé fana ye jinan samijé ye. O bân bée bilasira yeretangako la, sanji kôrê. Ni san diya nà goya kera négén na, jantonyerela de bô lakali kene baro du-man ke dere ! « CILSS » ye ladilikan bilasirali taabolow dantige, a kan ka bée kî janto minnu na. O ladili-kanw file nin ye :

* Sene keko juman lajini kanma, nin ladilikan be se ka ke forow kône senefenw sugu cayako ye an ka baloko siratege la (kaba ; malo ; keningue), walima an ka nafa soro kâ-dara kône (kôrî, tiga).

Ni cikelaw ye binfagalaw keko juman ke foro olu kône, u soro be sabati.

Nka, « CILSS » ka fôla halibi, jinan, binko be wara forow kône ani nkôbenninw, ni senefenw ka bana were. An kân janto binfagalanko la, ani tijenifenw kelefuraw. Cikelaw ni sene yiriwa baaradaw ka kan ka baara ke fana ka ben sanji-jate-baa-rada (metewo) ka waatiw lasew lahala ma.

Seyidu Dunbiya
jamana baarâda cakela
dâ Bamako

COB ntolatantōn ye Mali ntolatankupuba 51nan yalon

Sibiridon, san 2011, zuluyekalo tile 23, ntolatankene Modibo Keyita kan, Stade ni COB ntolatantōnw cedenw kogə dalen tun bə jəgən na Mali ntolatankupuba 51 kupu-yalon-ntolantanw kadara kənə. O ma ke ko nəgən ye tən fila si

ye a ka kuru filan sərə kō don Stade ka jō kənə kā ke kuru fila ni kelen (2-1) ye. Ntolatan kuncera COB ka setigiya o de kan Stade jəkərə. O kanma peresidan Amadu tumanı Ture ye Mali kupuba 51 nan in don COB ceden jalatigi bolo. Nin



Mali ntolatankupuba sendan fələ kera jamanakuntigi Amadu Tumanı Ture (ATT) fe.

bolo. Sanga 6nan yere, COB cedenw y'u ka taabolo jə jira Stade cedenw la ni kuru fələ donni y'olu kun. Wuliko fələ sanga 45 bəe kun cera o kuru kelen ni fu kan ka taa Stade juguya la. Wuliko filan de kənə, Stade ye kuru kelen sərə COB ka jō kənə, ka ko ke kuru kelen ni kuru kelen ye tən fila bəe bolo. O waati filan sanga 45 bəe fana kuncera filanbin taabolo kan. O de kanma farankan-sanga 30 farala ntolatan ladala sanga 90 kan, nən kō ma ko : « porolongəsən ». O de senfe COB

ye Mali ntolatankupuba yalonko 3 nan de ye COB ntolatantōn fe. O bə ke sababu ye kā təgə səben Mali ku-puba yalonbagatōn jənaw təgə fe : Stade, Joliba, Ereyali...

Mali ntolatankupuba in kənə maa la nagalenba fələ də kera Mali jamanakuntigi Amadu Tumanı Ture ye, ale min ma tə si to a ka nisəndiya jirali la kunnafoni-jininaw ka nininkaliw jaabi sənfə. A ko : « Bi ye ne nisəndiyadonba ye, ka dà kan kənə taabolo bəe y'a jira ko tən fila minnu kogə dara jəgən na, nəlu ye

Stade ni COB cedenw ye, olu bəe y'a jira ntolatan ladala sanga 90 kənə, ani farankan-sanga 30, k'ubəe na-kun ye kupuba in yalonni ye. O kanma, n ka foli bə Stade cedenw ye ka dà kan, hali n'u ma ke kupuba in yalonbagaw ye u kəni ye ntolatan kəko juman ke an jəkərə. N ka foli bə jəsin COB ntolatantōn ma, ale min ka cesiri y'a to kupu in nəfə ntolatanw kadara kənə, a ye Mali tən jənaw tən da ka tugun jəgən na : Joliba ni Stade. N bə duggawu ke Ala ka san 2012 Mali kupuba kene jira an na ! ». Tiət don, o waati tələ sərə peresidanya la belen ka dà kan o bə sərə a ye boloyelema ke Mali peresidan kura ma kabi san 2012 zuwənkalo tile 8, nk'o nə ta bəe, o bə sərə malidenya la a ye min ye badaa-badaa !

Kələsili : Mali ntolatankupuba tanniw kera Mali jənakkupu taw de kəfə, Stade ye min yalon.

Tumanı Yalam Sidibe

Kupu-di-Mali (Mali ntolatankupuba) yalonbagatōn w kabi san 1961

Joliba : sijə 19

Stade : sijə 17

Ereyali : sojə 10

Kayi : sijə 1

An kā dən ko Mali ntolatankupuba tanko fələ kera san 1961 zuluyekalo tile 9 ntolatnkene Mamadu Konate kene kan.

Tumanı Yalam Sidibe
K'a sərə Bubakari Jakite
« Sari » ka kunnafoni fe

Musolakaw ka bololantolatan, Afriki kunda o san 2011 kunbenw be ke Bamako, n'an k'o ma ko « Afrobasiketi »



Bololantolatan be ce kunda cogo min, a be muso kunda ten !

Lajininko jenjén fila be Mali bolo o ko la : ka kunbenw laben a njema ani ka joyoré numan soro. Kà ta san 2011 setanburukalo tile 23 la ka tâ kunce san 2011 əkutəburukalo tile 2 don, Mali be Afriki musolakaw ka njegonkunbe bololantolatan kénaw birimla, n'an k'o ma ko : « Afrobasiketi ». O ye taabolo ye Afriki kono bololantolatan njemaya-soba ye min dantige, nò ye « Fiba-Afriki » ye. O yò baara bolo da ani Mali bololantolatan jekuluba ka benkan-ko-la de kono. Jamana tan ni fila (12) de bëna ye Bamako kunbenkenf in kan. O jamanaw ye ninnu ye : Senegali, kupu in bale min bolo, nò ye san temenen ta ye, Mali, ale min ye kunben laben ja-

mana ye jinan, Gana, Tinizi, Kodowari, Mozambiki, Angola, Nizeriya, Kameruni, Lagine Konakiri, Kongo demokaratiki, Uruwanda.

Kunbenwkogo-da-njegonnan taabolo kalataw kera san 2011 zuwenkalo tile 25. O ye kunbenw ila kulu fila kono, A ni B.

- **Kulu A ténw :** Mali, Gana, Tinizi, Kodowari, Mozambiki

- **Kulu B ténw :** Senegali, Lagine Konakiri, Angola, Nizeriya, Kamerun, Uruwanda.

Mali keli kà kun don Afrobasiketi kunben 23 nan in labenni koro, o bâ to wajibya fila be njesin a ma. A fôlo : ka kunbenw keko numan walew sigi sen kan. A filanan : ka joyoré numan soro kunbenw kadara

kono.

Ni wajibya fôlo ye karaba tigitingo ye, ka masoré an bân ka jamana ka danboko de kofo, a filanan yan ka cebow sekoko ye ani u labencogo k'u sen don kunbenw la, nò yan ka musolaka bololantolatannaw ye. An ka tén dege karamogó ye Faransika Hériwe Gudereyi de ye, a nà dèmebagà maliden Séki Umaru Sisoko, ko Yanki.

Kunbenw be ke Marikalo tile 26 ntolatkene bololantolatanyoré la Yirimajo ani ntolatkene Modibo Keyita bololantolatanyoré la kolaben-jekulu de sigira kunben ninnu keko numan kanma, min bâ to an ka jamana kelen kà ka yéremah-ənronya san-kunben 50 na gintanw ke ni wasa ye, an ka Afriki kunda bololantolat in fana ke ni daraja ye.

**Dirisa Sangare
ni Tumani Yalam Sidibe**

**Kolosili : Boko nata
kono, aw bëna kunnafoni soro
jinan "sangemón" taabolo
kan San dugu kono.**

Jekabaara

Labellikuntigi Sében jekulu kuntigu
Tumani Yalam Sidibe
Sében jekulu
Yusufu Fane
Bakari Sangare
Usumani N Trawele (CMDT)
Tumani Yalam Sidibe
Jaw tabaga
Haruna Trawele
Sébenbaga ordinateri la
Ture Mama Jalo
Fatoumata Cero
Labenbaga ordinateri la
Worokiyatu So
Baaraké jogonw
CMDT "SNV" - Ofisi Nizeri
Ofisi iri - OHVN
Hake bora : 16000
Bataksira : 2043
Negejurusira : 229 62 89
Jamana baarada - Séki zayedti togola
sira - Hamudalayi kin - Bamako
Siti - Webu nimoro
www.afribone.net.ml/jekabaara

**An ka Jekabaara jini k'a kalan kalo o kalo.
A b'an bô dijé kônkokow kalama. A b'an bô
kunpan na Mali cikelaw kunkankow bee la !
Jekabaara ye kunnafosaben ti jetigi ye dere !**